





門呂3  
號 861  
卷 1



大八洲記序

伊奘諾尊伊奘冊尊生大八洲國

定都城造宮室共生

日神以天柱舉於天上於是天地

相去之道自明而上下相守之

分已定使天下之人無有奪國



大八洲記序

〇一



陵物之黑心矣夫上古起國之本在邊要苟邊要之忽則何夫有千五百秋瑞穗之地之稱耶千五百乃祝其備自足之號也當

天孫降臨也敕舉之曰吾子孫可

王之地也行矣寶祚之隆當與天壤無窮者矣是以深警重鎮爲威外之屏也其城隍關防乃堅內之守也然後割八洲以爲六十有六國焉云畿內云七道固是八洲之號其尚存矣詔書



式明神御大八洲天皇此用朝  
廷之大事之辭而本於其始起  
者也逮于

高穴穗朝國郡立長縣邑置首自  
此而後國郡之官員具備焉至  
於

稚櫻朝置史於諸國記言事達四  
方志

和銅中畿內七道諸國郡鄉名  
著好字郡內所生及土地沃瘠  
山川原野名號所由古老相傳  
舊聞異事載于史籍言上



延長中重下テ官符於諸國司ニ令  
勳進風土記文惜乎其記不傳  
于世唯有出雲豐後之存以足  
觀其梗槩也然則國郡之嘉名  
其所以緣出者復不可不知焉  
故今略緝所考以爲此記未得

其證者姑闕疑焉其至租稅之  
貢土空之產莊鄉縣邑之名區  
則皆不敢及採藉此蓋沿世隨  
時有增減變革之故也於是乎  
序



享保八年臘月下浣

正三位鴨縣主祐之操毫于桂齋

大八洲記目錄

卷第一

皇都

國號

卷第二

邊要上

太宰府

卷第三

邊要下

鎮守府

緣海諸國

卷第四



要害

城隍

關門

烽候

疆域

界限

國志

要路

郵驛

津濟

堤防

館舍

良吏

國司

附

郡司

軍團

弩師

詔使

四道

將軍

節度使

博士

醫師

大總管

鎮撫使

觀察使

巡使

觀察使

卷第五

畿內五國

每國管郡

卷第六

東海道十五國

每國管郡

卷第七

東山道八國

每國管郡

卷第八

北陸道七國

每國管郡

卷第九

山陰道八國

每國管郡



卷第十

山陽道八國

每國管郡

卷第十一

南海道六國

每國管郡

卷第十二

西海道九國

每國管郡

二島

每島管郡

大八洲記目錄 畢

大八洲記第一

鴨縣主祐之纂

皇都

按歷朝有遷都者有遷皇居者有行宮或頓宮者今據日本書紀之所載而專提舉皇都耳間亦舊事紀所載之皇都者附註先都之下矣

天高市

大和國

神代紀曰次生海次生川次生山

此言正皇都畿

也次生木祖句句迺馳次生草祖草野姬

亦名野槌

此言經營宮室也

既而伊奘諾尊伊奘



冊尊共議曰吾已生大八洲國及山川草木何不生天下之主者歟於是共生日神號大日靈貴此子光華明彩照徹於六合之內故二神喜曰吾息雖多未有若此靈異之兒不空久留此國自當早送于天而授以天上之事是時天地相去未遠故以天柱舉於天上也又曰八十萬神會合於天安河邊又曰會八十萬神於天高市河

高市其大倭國地名而稱天者以皇都之地也神名祕書云天之高市天宮是也

神武紀曰大己貴大神目之曰玉牆內國

此稱饒速日命目之曰虛空見日本國

宮城也逮神日本磐余彥天皇復開都於此地而以日本為吾國之總號也

吾田長屋笠狹之崎 筑紫

神代紀曰皇孫天津彥彥火瓊瓊杵尊天降於日向襲之高千穗峯矣

千穗地名在日向既而皇孫遊行之狀也



者則自<sub>リ</sub>穗日<sub>ヒ</sub>二<sub>カ</sub>上天<sub>ア</sub>浮橋<sub>ハ</sub>立<sub>ニ</sub>於浮渚<sub>ニ</sub>在平<sub>ラ</sub>處<sub>ニ</sub>而齋<sub>ヒ</sub>完<sub>ニ</sub>之空國<sub>ニ</sub>自頓<sub>ヒ</sub>丘<sub>ヲ</sub>覓<sub>ニ</sub>國行<sub>ニ</sub>去<sub>ニ</sub>到<sub>ニ</sub>於吾田<sub>ニ</sub>長屋笠狹<sub>ニ</sub>之崎<sub>ニ</sub>矣<sub>ニ</sub>  
吾田今薩摩國郡名作阿多其地有<sub>ニ</sub>一人<sub>ニ</sub>自號<sub>ニ</sub>事勝國<sub>ニ</sub>勝長狹<sub>ニ</sub>皇孫問<sub>テ</sub>曰國在<sub>ニ</sub>耶<sub>ニ</sub>以<sub>ニ</sub>不對<sub>テ</sub>曰此焉有<sub>ニ</sub>國<sub>ニ</sub>請<sub>ニ</sub>任意遊<sub>ニ</sub>之故皇孫就<sub>ニ</sub>而雷住<sub>ニ</sub>又曰皇孫因立<sub>ニ</sub>宮殿<sub>ニ</sub>是焉遊<sub>ニ</sub>息<sub>ニ</sub>  
古事記曰天津日子番能邇邇藝命天降坐于竺紫日向之高千穗之久士布流多氣於是詔云此地者向韓國真來通笠沙之御前而朝日之直刺國

夕日之日照國也故此地甚高<sub>ニ</sub>地<sub>ニ</sub>譌<sub>ニ</sub>而於<sub>ニ</sub>底津石根<sub>ニ</sub>宮<sub>ニ</sub>柱<sub>ニ</sub>布斗斯理<sub>ニ</sub>於高天原<sub>ニ</sub>米椽<sub>ニ</sub>多<sub>ニ</sub>迦斯理<sub>ニ</sub>而坐<sub>ニ</sub>也又曰日子穗穗<sub>ニ</sub>手見<sub>ニ</sub>命者坐<sub>ニ</sub>高千穗<sub>ニ</sub>宮<sub>ニ</sub>伍佰捌拾歲<sub>ニ</sub>御陵者<sub>ニ</sub>即在<sub>ニ</sub>其高千穗<sub>ニ</sub>山之西<sub>ニ</sub>也  
神代紀曰彥波瀲武鸕鷀草葺不合尊崩於西州之宮因葬日向吾平山上陵<sub>ニ</sub>  
古事記曰神倭伊波禮毘古命坐高千穗宮職原抄曰神武天皇即位之初繼神代之蹤都日向國宮崎宮此時天下草昧封域未定東征之後初平中州定都於大和國檀原宮檀原宮大和國



紀曰神日本磐余彥天皇武 謚神己未年春三月辛酉朔丁卯下令曰自我東征於茲六年矣賴以皇天之威凶徒就戮雖邊土未清餘妖尚梗而中洲之地無復風塵誠宜恢廓皇都規模大壯而今運屬此屯蒙民心朴素巢棲穴住習俗惟常夫大人立制義必隨時苟有利民何妨聖造且當披拂山林經營宮室而恭臨寶位以鎮元元

上則答乾靈授國之德下則弘皇孫養正之心然後兼六合以開都掩八紘而為宇不亦可乎觀夫畝傍山東南檀原地者蓋國之壤區乎可治之是月即命有司經始帝宅舊事紀曰三月辛酉朔庚辰詔有司經始帝宅天太玉命孫天富命率手置帆負彥狹智二神之孫以齋芥齋鉏始採山材構立正殿其齋孫忌部所居紀伊國名草御木麤香二鄉其採材忌部所居謂之御木造殿忌部所居謂之麤香是其緣矣古語正辛酉年正月庚辰朔天皇即



帝位於橿原宮是歲為天皇元年故古語稱之曰於畝傍之橿原也太立宮柱於底磐之根峻峙搏風於高天之原而始馭天下之天皇號曰神日本磐余彥火火出見天皇焉

高丘宮 大和國

紀曰神渟名川耳天皇 諡 綏 元年春正月

壬申朔己卯即天皇位都葛城是謂高丘

宮

浮孔宮 大和國

紀曰磯城津彥玉手看天皇 諡 安 二年遷

都於片鹽是謂浮孔宮

曲峽宮 大和國

紀曰大日本彥耜友天皇 諡 懿 二年春正

月甲戌朔戊寅遷都於輕地是謂曲峽宮

古事記曰輕地之境岡宮



池心宮 大和國

紀曰觀松彥香植稻天皇 照 諡孝元年秋七

月遷都於掖上是謂池心宮 古事記曰葛城掖上宮

秋津島宮 大和國

紀曰日本足彥國押人天皇 安 諡孝二年冬

十月遷都於室地是謂秋津島宮 古事記曰葛城

室之秋

津島宮 大和國

紀曰大日本根子彥太瓊天皇 諡孝日本

足彥國押人天皇百二年冬十二月癸亥

朔丙寅皇太子遷都於黑田是謂廬戶宮

境原宮 大和國

紀曰大日本根子彥國牽天皇 諡孝四年

春三月 三當 甲申朔甲午遷都於輕地是

謂境原宮

卒川宮 大和國



紀曰稚日本根子彥太日日天皇蓋開元  
年冬十月丙申朔戊申遷都于春日之地  
是謂卒川宮

瑞籬宮 大和國

紀曰御間城入彥五十瓊植天皇蓋崇三

年秋九月遷都於磯城是謂瑞籬宮古事記曰

師木水垣宮

珠城宮 大和國

紀曰活目入彥五十狹茅天皇蓋垂一二年

冬十月更都於纏向天皇生於瑞籬宮故云更也是謂

珠城宮 古事記曰師

日代宮 大和國

紀曰大足彥忍代別天皇蓋景四年冬十

一月庚辰朔乘輿自美濃還則更都於纏

向是謂日代宮五十八年春二月辛丑朔

辛亥幸近江國居志賀三歲是謂高穴穗



宮ト舊事紀云稚足彥天皇元年春正月甲申朔戊子即天皇位都志賀高穴穗宮按日本紀不載成務天皇之都而只舊事紀以志賀高穴穗宮為成務天皇之都耳若櫻宮大和國

紀曰氣長足姬尊功攝政三年春正月

丙戌朔戊子立譽田別皇子為皇太子因

以都於磐余是謂若櫻宮○紀曰譽田天皇四十年春二月甲午朔

戊申天皇崩于明宮舊事紀曰元年春正月丁亥朔即天皇位都輕島地謂豐明宮

按舊事紀以豐明宮為應神天皇之都

高津宮攝津國

紀曰大鷦鷯天皇諡仁元年春正月丁丑

朔己卯即天皇位都難波是謂高津宮

天稚櫻宮大和國

紀曰去來穗別天皇諡履元年春二月壬

午朔即位於磐余稚櫻宮二年冬十月都

於磐余

柴籬宮河內國



紀曰瑞齒別天皇正 諡反元年冬十月都於

河內丹比是謂柴籬宮

穴穗宮大和國

紀曰穴穗天皇諡安雄朝津間稚子宿禰

天皇四十二年冬十二月己巳朔壬午即

天皇位遷都于石上是謂穴穗宮紀云弘

元年春正月己巳朔召公卿百僚於近飛鳥八鈞宮即天皇位舊事紀云元年正月己巳朔召公卿百寮於近飛鳥八鈞宮即天皇位都於瓊栗宮○紀云億計天皇元年

年春正月辛巳朔乙酉於石上廣高宮即天皇位舊事紀云元年春正月辛巳朔乙酉即天皇位都於石上廣高宮按舊事紀以瓊栗宮為顯宗天皇之都以廣高宮為仁賢天皇之都

列城宮大和國

紀曰小泊瀨稚鷯鷯天皇諡武億計天皇

十一年冬十二月命有司設壇場於泊瀨

列城陟天皇位遂定都焉舊事紀曰遂定

筒城宮山背弟國宮山背玉穗宮大和



紀日男大迹天皇體諡繼五年冬十月遷都

山背筒城舊事紀曰謂筒城宮

十二年春三月丙辰朔甲子遷都弟國

二十年秋九月丁酉朔己酉遷都磐余玉

穗一本云七年也

金橋宮大和國

紀日廣國押武金日天皇諡安元年春正

月遷都于大倭國句金橋因爲宮號橋古事記

著作

廬入野宮大和國

紀日武小廣國押盾天皇諡宣元年春正

月遷都于檜隈廬入野因爲宮號舊事紀曰都遷

檜前謂廬入宮

金刺宮大和國

紀日天國排開廣庭天皇諡欽元年秋七

月丙子朔己丑遷都倭國磯城郡磯城島



仍號為磯城島金刺宮古事記曰師木島大宮紀云橋豐日

天皇淳中倉太珠敷天皇十四年秋九月

甲寅朔戊午即天皇位館於磐余名曰池

邊雙槻宮舊事紀云十四年秋九月甲寅

朔戊午天皇即天皇位都於磐余謂池邊

雙槻宮按舊事紀以雙

槻宮為用明天皇之都

豐碕宮攝津國

紀曰天萬豐日天皇諡孝大化元年冬十

二月乙未朔癸卯天皇遷都難波長柄豐

碕老人等相謂之曰自春至夏鼠向難波

遷都之兆也八平冬十一月庚辰

大津宮近江國

紀曰天命開別天皇諡天六年春三月辛

酉朔己卯遷都于近江光仁紀曰近江大

津宮是時天下百姓不願遷都諷諫者多童

謠亦衆日日夜夜失火處多

藤原宮大和國

紀曰高天原廣野姬天皇諡持四年冬十



二月癸卯朔辛酉天皇幸藤原觀宮地公卿百寮皆從焉五年冬十月戊戌朔甲子遣使者鎮祭新益京六年春正月丁卯朔戊寅天皇觀新益京路夏五月乙丑朔丁亥遣澤廣肆難波王等鎮祭藤原京地庚寅遣使者奉幣于四所伊勢大倭住吉紀伊大神告以新宮六月甲子朔癸巳天皇觀藤原京地八年冬十二月庚戌朔乙卯

遷居藤原宮

萬葉集藤原宮御井歌八隅知之<sub>レ</sub>和期大<sub>オホ</sub>王高照日之皇子<sub>キミ</sub>麤妙乃藤井我原爾大<sub>オホ</sub>御門始賜而植安乃堤上爾在立之見之<sub>ミ</sub>賜者日本乃青香具山者日經乃大御門<sub>オホミカド</sub>爾春山路之美佐備立有畝火乃此美豆<sub>ミヅ</sub>山者日緯能大御門爾彌豆山跡山佐備<sub>サヒ</sub>伊座耳高之青菅山者背友乃大御門爾<sub>ニ</sub>



空名倍神佐備立有名細吉野乃山者影  
友乃大御門從雲居爾曾遠久有家雷高  
知也天之御蔭天知也日御影乃水許曾  
波常爾有米御井之清水  
按此歌奉稱皇宮之四城者可  
以觀焉

平城宮 大和國

紀曰日本根子天津御代豐國成姬天皇  
明諡元和銅元年春二月戊寅詔曰朕祗奉

上玄君臨宇內以菲薄之德處紫宮之尊  
常以為作之者勞居之者逸遷都之事必  
未遑也而王公大臣咸言往古已降至于  
近代揆日瞻星起宮室之基卜世相土建  
帝皇之邑定永鼎之基固無窮之業斯在  
衆議難忍詞情深切然則京師者百官之  
府四海所歸唯朕一人獨逸豫苟利於物  
其可遠乎云云方今平城之地四禽叶圖



三山作鎮龜筮竝從宜建都邑且其營構  
資須隨事條奏亦待秋收後合造路橋子  
來之義勿致勞擾制度之宜合後不加秋  
九月戊寅巡幸平城觀其地形冬十月庚  
寅遣宮內卿正四位下犬上王奉幣帛于  
伊勢大神宮以告營平城宮之狀也二年  
秋八月辛亥車駕幸平城宮免從駕京畿  
兵衛戶雜徭九月乙卯授大倭守從五位

下佐伯宿禰男從五位上造宮大丞從六  
位下臺忌寸宿奈麻呂從五位下是日車  
駕巡撫新京百姓焉丁巳賜造宮將領已  
上物有差戊午車駕至自平城冬十月癸  
巳敕造平城宮司若彼墳壠見發掘者隨  
卽埋歛勿使露棄晉加祭醑以慰幽魂庚  
戌詔曰比者遷都易邑搖動百姓雖加鎮  
撫未能安堵每念於此朕甚愍焉宜當年



調租竝悉免之十二月丁亥車駕幸平城宮三年春三月辛酉始遷都于平城以左大臣正二位石上朝臣麻呂爲雷守  
恭仁宮山背國難波宮攝津國平城宮大和國  
紀曰天璽國押開豐櫻彥天皇武論聖天平十二年冬十月壬午行幸伊勢國十二月戊午從不破發至坂田郡橫川頓宮是日右大臣橘諸兄在前而發經畧山背國相

樂郡恭仁鄉以擬遷都故也丙寅從禾津發到山背國相樂郡玉井頓宮丁卯皇帝在前幸恭仁宮始作京都矣太上天皇皇后在後而至十三年春正月癸未朔天皇始御恭仁宮受朝宮垣未成繞以帷帳是日宴五位已上於內裏賜祿有差癸巳遣使於伊勢大神宮及七道諸社奉幣以告遷新京之狀也秋八月丙午遷平城二市



於恭仁京九月辛亥免左右京百姓調租  
四畿內田租緣遷都也乙卯敕以京都新  
遷大赦天下以正四位下智努王正四位  
上巨勢朝臣奈呂麻呂二人爲造宮卿丙  
辰爲供造宮差發大養德河內攝津山背  
四國役夫五千五百人己未發木工頭正  
四位下智努王民部卿從四位下藤原朝  
臣仲麻呂散位外從五位下高岳連河內

主稅頭外從五位下文忌寸黑麻呂四人  
班給京都百姓宅地從賀世山西道以東  
爲左京以西爲右京冬十一月戊辰右大  
臣橘宿禰諸兄奏此間朝廷以何名號傳  
於萬代天皇敕曰號爲大養德恭仁大宮  
也十四年春二月庚辰是日始開恭仁京  
東北道通近江國甲賀郡秋八月乙酉京  
城以南大路西頭與甕原宮東之間令造



大橋十五年冬十二月己丑始運平城器  
仗收置於恭仁宮辛卯初壞平城大極殿  
并步廊遷造於恭仁宮四年於茲其功纔  
畢矣用度所費不可勝計至是更造紫香  
樂宮仍停恭仁宮造作焉

十六年春閏正月乙丑朔詔喚會百官於  
朝堂問曰恭仁難波二京何定爲都各言  
其志於是陳恭仁宮便宜者五位已上二

十三人六位已下百五十七人陳難波京  
便宜者五位已上二十三人六位已下一  
百三十人戊辰遣從三位巨勢朝臣奈良  
麻呂從四位上藤原朝臣仲麻呂就市問  
定京之事市人皆願以恭仁京爲都但有  
願難波者一人願平城者一人二月甲寅  
運恭仁宮高御座并大楯於難波宮又遣  
使取水路運漕兵庫器仗乙卯恭仁京百



姓情願遷難波宮者恣聽之庚申左大臣  
宣敕云今以難波宮定爲皇都宜知此城  
京戶百姓任意往來三月甲戌石上榎井  
二氏樹大楯槍於難波宮中外門十七年  
春正月己未朔廢朝乍遷新京伐山開地  
以造宮室垣牆未成繞以帷帳是日宴五  
位已上於御在所賜祿有差  
夏五月己未是日太政官召諸司官人等

問以何處爲京皆言可都平城庚申遣造  
宮輔從四位下秦公島麻呂令掃除恭仁  
宮壬戌車駕還恭仁宮癸亥車駕到恭仁  
京泉橋于時百姓遙望車駕拜謁道左其  
稱萬歲是日到恭仁宮丁卯恭仁京市人  
徙於平城曉夜爭行相接無絕戊辰行幸  
平城以中宮院爲御在所舊皇后宮爲宮  
寺也諸司百官各歸本曹秋八月癸丑行



幸難波宮以中納言從三位巨勢朝臣奈  
氏麻呂藤原朝臣豐成爲雷守九月己卯  
車駕還平城是夕宿宮地驛庚辰至平城  
宮冬十二月戊戌運恭仁宮兵器於平城  
保良宮 近江國 平城宮 大和國

紀曰廢帝天平寶字三年冬十一月戊寅  
遣造宮輔從五位下中臣連張弓越前員  
外介從五位下長野連君足造保良宮不

位已下官五人五年春正月丁未使衛門  
督正五位上粟田朝臣奈勢麻呂禮部少  
輔從五位下藤原朝臣田麻呂等六位已  
下官七人於保良京班給諸司史生已上  
宅地冬十月壬戌賜大師稻一百萬束三  
品船親王池田親王者十萬束正三位石  
川朝臣年足文室真人淨三各四萬束二  
品井上內親王十萬束四品飛鳥田內親



王正三位縣犬養夫人粟田王陽侯王各  
四萬束以遷都保良也甲子行幸保良宮  
己卯詔曰爲改作平城宮暫移而御近江  
國保良宮是以國司史生已上供事者并  
造宮使藤原朝臣田麻呂等加賜位階郡  
司者賜物免當國百姓及左右京大和和  
泉山背等國今年田租余泉山背等國  
六年夏五月辛丑高野天皇與帝有隙於

是車駕還平城宮帝御于中宮院高野天  
皇御于法華寺五月甲午皇御于法華寺

長岡宮

山背國

日本根子皇統彌照天皇

武

諡

紀曰延曆

三年夏五月丙戌敕遣中納言正三位藤  
原朝臣小黑麻呂云云等於山背國相乙  
訓郡長岡村之地爲遷都也六月己酉以  
中納言從三位藤原朝臣種繼云云等爲



造長岡宮使六位官八人於是經始都城  
營作宮殿壬子遣參議近衛中將正四位  
上紀朝臣船守於賀茂大神社奉幣以告  
遷都之由焉十一月庚子天皇移幸長岡  
宮

平安宮

山城國

延曆十二年春正月甲午遣大納言藤原  
小黒麻呂左大辨紀古佐美等相山背國

葛野郡宇太村之地爲遷都也二月辛亥  
遣參議治部卿壹志濃王等告遷都於賀  
茂大神三月己卯朔幸葛野巡覽新京乙  
酉新京宮城之內百姓地四十四町給三  
年價直戊子遣參議壹志濃王等奉幣於  
伊勢大神宮告以遷都之由庚寅令五位  
以上及諸司主典以上進役夫築新京宮  
城癸卯告遷都由於山陵

山階先田原後田原

六月



庚午令諸國造新宮諸門己上日本記畧拾芥抄云尾

張美濃二國造殷富門伊福部氏也越前

國造美福門壬生氏也若狹越中二國造

安嘉門海大甘氏也丹波國造偉鑿門猪

使氏也但馬國造藻壁門佐伯氏也播磨

國造待賢門建部氏也備前國造達智門丹

若犬甘氏也備中備後二國造達智門丹

治氏也阿波國造談天門玉手九月戊寅

氏也伊與國造郁芳門山氏也遣菅野真道藤原葛野麻呂等班給新京

宅地十二月壬戌救長岡宮百姓宅地價

直不可悔返十三年秋七月辛未朔遷東

西市於新京丁丑造郵舍且遷市人日本

記畧冬十月辛酉車駕遷于新京類聚國史第七十八

丁卯詔曰云云日本記畧云此日遷都詔曰葛野乃大宮地者山川

毛麗久四方國乃百姓乃又愛宕葛野二

郡乃今年田租免賜布宣布救命乎衆聞

食止宣類聚國史第七十八○善相公意

作既畢更營上都再造大極殿新構豐樂院又其宮殿樓閣百官曹廳親王公主之第宅后妃嬪御之宮館皆究土木之巧盡賦調庸之用於是天下之費五分而三見



本朝文粹第一 十一月丁丑詔曰云云山勢實合前聞云云此國山河襟帶自然作城因斯形勝可制新號空改山背國為山城國又子來之民謳歌之輩異口同辭號曰平安京又近江國滋賀郡古津者先帝舊都今接輦下可追昔號改稱大津日本記畧十四年春正月庚午朔乙酉宴侍臣奏蹈歌曰山城顯樂舊來傳帝宅新成最可憐郊野通

平千里望山河擅美四周連

新東京樂平安樂土一萬年春

冲襟乃春八方中不日爰開億載宮壯麗

裁規傳不朽平安作號驗無窮

新年樂平安樂土一萬

年春新年正月北辰來滿宇韶光幾處開麗

質佳人伴春色分行連袂舞皇垓

新年樂平安樂

土一萬年春卑高泳澤洽歡情中外含和滿頌聲

今日新京太平樂年年長奉我皇庭

新東京樂平

安樂土一萬年春賜五位已上物有差

類聚國史第一七一十一二



福原宮

攝津國

安徳天皇治承四年夏六月遷都於福原

平安宮

山城國

治承四年冬十一月己酉朔辛未天皇還

幸于平安宮

後鳥羽天皇元曆元年秋七月丁亥朔甲

寅即天皇位於平安宮

國號

磯馭盧島

神代紀曰伊奘諾尊伊奘冊尊立於天浮

橋之上其計曰底下豈無國歟迺以天之

瓊矛指下而探之是獲滄溟其矛鋒滴瀝

之潮凝成一島名之曰磯馭盧島古事記云淤能

基呂島口訣云自凝洲也

豐葦原千五百秋瑞穂國

紀曰天神謂伊奘諾尊伊奘冊尊曰有豐



葦原千五百秋瑞穗之地<sub>クニ</sub>宜<sub>ク</sub>汝<sub>ニ</sub>往<sub>テ</sub>循<sub>レ</sub>之<sub>ヲ</sub>迺<sub>チ</sub>  
賜<sub>ニ</sub>天<sub>ノ</sub>瓊<sub>ノ</sub>戈<sub>ヲ</sub>又<sub>レ</sub>曰<sub>ク</sub>因<sub>テ</sub>敕<sub>ス</sub>皇<sub>ノ</sub>孫<sub>ニ</sub>曰<sub>ク</sub>葦<sub>ノ</sub>原<sub>ノ</sub>千<sub>ノ</sub>五<sub>ノ</sub>百<sub>ノ</sub>  
秋<sub>ノ</sub>之<sub>ノ</sub>瑞<sub>ノ</sub>穗<sub>ノ</sub>國<sub>ハ</sub>是<sub>レ</sub>吾<sub>ガ</sub>子<sub>ノ</sub>孫<sub>ノ</sub>可<sub>ク</sub>王<sub>ス</sub>之<sub>ノ</sub>地<sub>也</sub>宜<sub>ク</sub>爾<sub>ノ</sub>  
皇<sub>ノ</sub>孫<sub>ノ</sub>就<sub>テ</sub>而<sub>レ</sub>治<sub>ス</sub>焉<sub>カキク</sub>行<sub>ハ</sub>矣<sub>寶<sub>ツ</sub>祚<sub>ノ</sub>之<sub>ノ</sub>隆<sub>當<sub>ニ</sub>與<sub>ニ</sub>天<sub>ノ</sub>壤<sub>ノ</sub></sub>  
無<sub>レ</sub>窮<sub>者</sub>矣<sub>神<sub>武</sub>紀<sub>曰</sub>天<sub>皇</sub>謂<sub>テ</sub>諸<sub>兄</sub>及<sub>子</sub>等<sub>ニ</sub></sub>  
曰<sub>ク</sub>昔<sub>レ</sub>我<sub>ガ</sub>天<sub>ノ</sub>神<sub>高</sub>皇<sub>產</sub>靈<sub>尊</sub>大<sub>日</sub>靈<sub>尊</sub>舉<sub>此</sub>  
豐<sub>葦</sub>原<sub>瑞</sub>穗<sub>國</sub>而<sub>授<sub>我</sub>天<sub>祖</sub>彥<sub>火</sub>瓊<sub>瓊</sub>杵<sub>尊</sub></sub>  
尊<sub>ニ</sub></sub>

葦原中國

紀<sub>曰</sub>天<sub>照</sub>大<sub>神</sub>之<sub>子</sub>正<sub>哉</sub>吾<sub>勝</sub>勝<sub>速</sub>日<sub>天</sub>  
忍<sub>穗</sub>耳<sub>尊</sub>娶<sub>高</sub>皇<sub>產</sub>靈<sub>尊</sub>之<sub>女</sub>栲<sub>幡</sub>千<sub>千</sub>  
姬<sub>生</sub>天<sub>津</sub>彥<sub>彥</sub>火<sub>瓊</sub>瓊<sub>杵</sub>尊<sub>故</sub>皇<sub>祖</sub>高<sub>皇</sub>  
產<sub>靈</sub>尊<sub>特</sub>鍾<sub>憐</sub>愛<sub>以</sub>崇<sub>養</sub>焉<sub>遂</sub>欲<sub>立</sub>皇<sub>孫</sub>  
天<sub>津</sub>彥<sub>彥</sub>火<sub>瓊</sub>瓊<sub>杵</sub>尊<sub>以</sub>爲<sub>葦</sub>原<sub>中</sub>國<sub>之</sub>  
主<sub>上</sub>

大日本國



大日本豐秋津洲是大八洲國之其一而  
大日靈貴之皇畿也逮於神日本磐余彥  
天皇撥平天下奄有八洲而以大日本國  
為總號也纂疏曰問曰耶摩止今為畿內  
一國之名其為有天下之號何也曰神武  
皇帝初都於大和國磐余之地因以耶摩  
止為有天下之號源准后親房曰大日本  
此讀耶麻土以大日靈之御國取其義乎

神名祕書云大日靈貴治訓日之本此乃國也故號大日本國也  
據文字也大日本或只書日本洲名云大  
日本豐秋津懿德孝靈孝元稱大日本亦  
有大字饒速日尊翔太虛云虛空見日本  
國神武稱神日本孝安稱日本足開化稱  
稚日本景行皇子小碓名日本武此不加  
大字彼此是同因大日靈之尊號取其義  
則當訓於保耶麻土乎

按紀日本此云耶麻騰由是則大者



讚美之稱也

大八洲國

紀曰伊奘諾尊伊奘冊尊二神降居彼島因欲其為夫婦產生洲國便以礮馭盧島為國中之柱云云迺生大日本日本此云耶麻騰豐秋津洲次生伊豫二名洲次生筑紫洲次雙生隱岐洲與佐渡洲世人或有雙生者象此也次生越洲次生大洲次生吉備

子洲由是始起大八洲國之號焉

大日本豐秋洲今分為畿內五國及東山道八國也伊豫二名洲今分為南海道四國也紀伊淡路屬筑紫洲分為西海道九國也壹岐對馬屬之隱岐洲今屬山陰道也佐渡洲今屬北陸道也越洲分為北陸道六國也佐渡屬之大洲分為東海道十有五國也吉備子洲分為山陰道七國隱岐



屬之而及山陽道八國也總是六十有六  
爲八國及二島其云畿内云七道大八洲之號  
固尚存矣

舊事紀曰生島是大八洲之靈今生島巫  
所奉齋也神祇式曰生島巫祭神二座生  
島神足島神祝詞式曰生國神足國神紀  
所謂埴安神此也  
按舊事紀古事記八洲  
各有其神號此鎮祀靈  
於其洲而所稱大  
國魂神乃是也

公式令詔書式曰明神御大八洲天皇  
云用於朝廷  
大事之辭  
解義

大八洲記第一







湊也故伊奘諾尊往至筑紫日向小戸橘  
之憶原而被除焉因以定國之祭政而化  
生九神鎮祀之筑紫洲也神功皇后征三  
韓時三神爲海  
導者亦且夫敕素戔嗚尊當遠適之於根  
此也國矣逐之遂降到於新羅國也根國者指  
外域也其言極遠言底根者亦可以觀焉  
素戔嗚尊請曰吾今奉敕將就根國故欲  
暫向高天原與姊相見而後永退矣敕許

之乃昇詣於天之時溟渤以之鼓盪山岳  
爲之鳴响天照大神素知其神暴惡至聞  
來詣之狀乃勃然而驚曰吾弟之來豈以  
善意乎謂當有奪國之志歟於是其素戔  
嗚尊相對而立誓約化生三女神令降之  
於筑紫洲而所鎮祭宗像社良有以哉神功  
皇太后討新羅時宗像神相共火瓊瓊杵尊  
合力救我朝亦可觀焉  
天降於日向襲之高千穗峰此爲守邊要



之地也。運屬鴻荒時，鍾草昧，故蒙以養正。治此西偏，正言此焉。古事記曰：邇邇藝命，天降坐于竺紫，日向詔曰：此地者向韓國。是以上世置太宰府，所以戍邊寇也。仲哀紀曰：二年熊襲叛之，不朝貢。天皇於是將討熊襲國。八年春正月壬午，幸筑紫。秋九月己卯，詔群臣以議討熊襲時有神託。皇后而誨曰：天皇何憂熊襲之不服？是

齋完之空國也。豈足舉兵伐乎？愈茲國而有寶國，譬如美女之祿，有向津國眼炎之金銀彩色，多在其國。是謂栲衾新羅國焉。若能祭吾者，則曾不血刃其國，必自服矣。復熊襲爲服，其祭之以天皇之御船及穴門，直踐立所獻之水田名，大田是等物爲幣也。天皇聞神言，有疑之情，便登高岳遙望之。大海曠遠而不見國，於是天皇對神



日朕周望之有海無國豈於太虛有國乎  
誰神徒誘朕復我皇祖諸天皇等盡祭神  
祇豈有遺神耶時神亦託皇后曰如天津  
水影押伏而我所見國何謂無國以誹謗  
我言其汝王之如此言而遂不信者汝不  
得其國唯今皇后始之有胎其子有獲焉  
然天皇猶不信以強擊熊襲不得勝而還  
之

神功紀曰足仲彥天皇九年秋九月使吾  
甕海人烏摩呂出於西海令察有國耶還  
曰國不見也又遣磯鹿海人名草而令觀  
數日還之曰西北有山帶雲橫組蓋有國  
乎爰卜吉日而臨發有日神有誨曰和魂  
服王身而守壽命荒魂爲先鋒而導師船  
卽得神教而拜禮之既而則擣荒魂爲軍  
先鋒請和魂爲王船鎮冬十月辛丑從和



珥津發之時飛廉起風陽侯舉浪海中大  
魚悉浮挾船則大風順吹帆舶隨波不勞  
艣楫便到新羅時隨船潮浪遠逮國中即  
知天神地祇悉助歟新羅王於是戰戰栗  
栗厝身無所則集諸人曰新羅之建國以  
來未嘗聞海水凌國若天運盡國爲海乎  
是言未訖之間船師滿海旌旗耀日鼓吹  
起聲山川悉振新羅王遙望以爲非常之

兵將滅己國誓焉失志乃今醒之曰吾聞  
東有神國謂日本亦有聖王謂天皇必其  
國之神兵也豈可舉兵以距乎即素旆而  
自服素組以面縛封圖籍降王船之前因  
以叩頭之曰從今以後長與乾坤伏爲飼  
部其不乾船拖而春秋獻馬梳及馬鞭復  
不煩海遠以每年貢男女之調則重誓之  
曰非東日更出西且阿利那禮河返以之



逆流及河石昇爲星辰而殊闕春秋之朝  
忍廢梳鞭之貢天神地祇其討焉時或曰  
欲誅新羅王於是皇后曰初承神教將授  
金銀之國又號令三軍曰勿殺自服今既  
獲財國亦人自降服殺之不祥乃解其縛  
爲飼部遂入其國中封重寶府庫收圖籍  
文書卽以皇后所杖矛樹於新羅王門爲  
後葉之印故其矛今猶樹于新羅王之門

也爰新羅王波沙寐錦卽以微叱已知波  
珍干岐爲質仍賚金銀彩色及綾羅縑絹  
載于八十艘船令從官軍是以新羅王常  
以八十船之調貢于日本國其是之緣也  
於是高麗百濟二國王聞新羅收圖籍降  
於日本國密令伺其軍勢則知不可勝目  
來于營外叩頭而歎曰從今以後永稱西  
蕃不絕朝貢故因以定內官家是所謂之



三韓也皇后從新羅還之  
宣化紀曰元年夏五月辛丑朔詔曰食者  
天下之本也黃金萬貫不可療飢白玉千  
箱何能救冷夫筑紫國者遐邇之所朝屆  
去來之所關門是以海表之國候海水以  
來賓望天雲而奉貢自胎中之帝泊于朕  
身收藏穀稼蓄積儲糧遙設凶年厚饗良  
客安國之方更無過此故朕遣阿蘇仍君

加運河內國茨田郡屯倉之穀蘇我大臣  
稻日宿禰空遣尾張連運尾張國屯倉之  
穀物部大連麤鹿火空遣新家連運新家  
屯倉之穀阿倍臣空遣伊賀臣運伊賀國  
屯倉之穀脩造官家那津之口又其筑紫  
肥豐三國屯倉散在懸隔運輸遙阻儻如  
須要難以備卒亦空課諸郡分移聚建那  
津之口以備非常永為民命早下郡縣令



知朕心

崇峻紀曰五年十一月乙巳馬子宿禰弒于天皇丁未遣驛使於筑紫將軍所曰依於內亂莫忘外事

皇極紀曰二年四月庚子筑紫太宰馳驛奏曰百濟國主兒翹岐弟王子共調使來天武紀曰大友皇子遣佐伯連男於筑紫遣樟使主磐手於吉備國竝悉令興兵仍

謂男與磐手曰其筑紫太宰栗隈王與吉備國守當摩公廣島二人元有隸皇太弟疑有反歟若有不服色即殺之於是磐手到吉備國授符之日給廣島令解刀磐手乃拔刀以殺也男至筑紫時栗隈王承符對曰筑紫國者元戍邊賊之難也其峻城深隍臨海守者豈爲內賊耶今畏命而發軍則國空矣若不意之外有倉卒之事頓



社稷傾之然後雖百殺臣何益焉豈敢背  
德耶輒不動兵者其是緣也時栗隈王之  
子三野王武家王佩劍立于側而無退  
於是男按劍欲進還恐見亡故不能成事  
而空還之

持統紀曰三年二月丙申詔筑紫防人滿  
年限者替

文武紀曰二年五月甲申令太宰府繕治

大野基肆鞠智三城

三年十二月甲申令太宰府修三野稻積  
二城

大寶二年二月己未歌斐國獻梓弓五百  
張以充太宰府三月甲午信濃國獻梓弓  
一千二十張以充太宰府冬十月丁酉先  
是征薩摩隼人時禱祈太宰所部神九處  
實賴神威遂平荒賊爰奉幣帛以賽其禱



焉唱更國司等今薩摩國也言於國內要害之

地建柵置戎守之許焉

三年八月甲子太宰府請有勳位者作番直軍團考滿之日送於式部一同散位永預選敘許之

慶雲二年夏四月辛未給太宰府飛驒鈴八口傳符十枚

元明紀曰和銅元年三月乙卯敕太宰府

帥大貳并三關及尾張守等始給倭仗其

員帥八人大貳及尾張守四人三關國守

二人其考選事力及公廨田並準史生

元正紀曰養老二年五月甲辰禁三關及

太宰陸奧等國司倭仗取白丁

六年夏四月丙戌始制太宰管内大隅薩

摩多觀壹岐對馬等司有關選府官人擁

補之



聖武紀曰天平二年三月辛卯太宰府言  
大隅薩摩兩國百姓建國以來未曾班田  
其所有田悉是墾由相承爲佃不願改動  
若從班授恐多喧訐於是隨舊不動各令  
自佃焉

三年十一月乙酉令太宰府始補壹伎對  
馬醫師

六年十二月癸巳太宰府奏新羅貢調使

級伐食金相貞等來泊

七年八月乙未敕曰如聞比日太宰府疫

死者多思欲救療疫氣以濟民命是以奉

幣彼部神祇爲民禱祈焉

給疫民并加湯藥

丙午太宰府言管

內諸國疫瘡大發百姓悉卧今年之間欲  
停貢調許之

八年五月丙申先是有敕諸國司等除公



廨由事力借貸之外不得運送者太宰管內諸國已蒙處分訖但府官人任在邊要祿同京官因此別給仕丁公廨稻亦漕送之物也數立限

九年夏四月癸亥太宰管內諸國疫瘡時行百姓多死詔奉幣於部內諸社以祈禱焉又賑恤貧疫之家并給湯藥療之  
十年六月辛酉遣使太宰賜饗於新羅使

金想純等使即放還

十四年春正月辛亥廢太宰府遣右大辨從四位下紀朝臣飯麻呂等四人以廢府官物付筑前國司二月戊寅太宰府言新羅使沙食金欽英等一百八十七人來朝十五年三月乙巳筑前國司言新羅使薩食金序貞等來朝於是遣從五位下多治比真人土作云云等於筑前檢校供客之



事四月甲午檢校新羅客使多治比真人  
土作等言新羅使調改稱土毛書奧注物  
數稽之舊例大失常禮太政官處分空召  
水手已上告以失禮之狀便即放卻十二  
月辛卯始置筑紫鎮西府以從四位下石  
川朝臣加美爲將軍外從五位下大伴宿  
禰百世爲副將軍判官二人主典二人  
十六年春正月戊午太政官奏鎮西府將

軍準從五位官判官準從六位官主典準  
從七位官倍給二季祿及月料並畱應入  
京調庸物相折通融隨時便給又時賜公  
廩田將軍十町副將八町判官六町主典  
四町奏司之奉酉給鎮西府印一面九月  
己丑給鎮西府驛鈴二口  
十七年六月辛卯復置太宰府以從四位  
下石川朝臣加美爲大貳從五位上多治



比真人牛養外從五位下大伴宿禰三中  
並爲少貳八月己丑給太宰府管内諸司  
印十二面職原抄云先是有太宰府號凡  
當府都管九國二島別帶筑前  
也按太宰之號始見于推古紀十七年四  
月也孝德紀云五年三月拜蘇我臣日向  
於筑紫太宰帥天智  
紀云筑紫太宰府

孝謙紀曰天平勝寶四年閏三月己巳太  
宰府奏新羅王子韓阿食金泰廉貢調使  
大使金暄及送王子使金弼言等七百餘

人乘船七艘來泊六月己丑新羅王子金  
泰廉等拜朝并貢調因奏曰新羅國王言  
日本照臨天皇朝廷新羅國者始自遠朝  
世世不絕舟楫並連來奉國家今欲國主  
親來朝貢進御調而顧念一日無主國政  
絕亂是以遣王子韓阿食泰廉代王爲首  
率使下三百七十餘人入朝兼令貢種種  
御調謹以申聞詔報曰新羅國始自遠朝



世世不絕供奉國家今復遣王子泰廉入  
調兼貢御調王之勤誠朕有嘉焉自今長  
遠當加撫存泰廉又奏言普天之下無匪  
王土率土之濱無匪王臣泰廉幸逢聖世  
來朝供奉不勝歡慶私曰自所備國土微  
物謹以奉進詔報泰廉所奉內之壬辰饗  
新羅使於朝堂詔曰新羅國來奉朝廷者  
始自氣長足媛皇太后平定彼國以至于

今爲我蕃屏而前王承慶大夫思恭等言  
行怠慢闕失恒禮由欲遣使問罪之間今  
彼王軒英改悔前過冀親來庭而爲顧國  
政因遣王子泰廉等代而入朝兼貢御調  
朕所以嘉歡勤款進位賜物也又詔自今  
以後國王親來空以辭奏如遣餘人入朝  
必須令賚表文

天平勝寶六年正月癸丑太宰府奏入唐



副使從四位上吉備朝臣真備船以去年十二月七日來著益久島自是之後自益久島進發漂蕩著紀伊國牟漏崎二月丙戌敕太宰府去天平七年故大貳從四位上小野朝臣老遣高橋連牛養於南島樹碑而其碑經年今既朽壞空依舊修樹每牌顯著島名并泊船處有水處及去就國行程遙見島名令漂著之船知所歸向三

月癸丑太宰府言遣使尋訪入唐第一船其消息云第一船舉帆指奄美島去未知著處四月癸未太宰府言入唐第四船判官正六位上布勢朝臣人主等來泊薩摩國石籬浦八歲六月甲辰始築怡土城令太宰大貳吉備朝臣真備專當其事焉天平寶字元年閏八月壬申敕曰太宰府防人頃年差坂東諸國兵士發遣由是路



次之國皆苦供給防人產業亦難辨濟自  
今已後宜差西海道七國兵士合一千人  
充防人司依式鎮戍其集府之日便習五  
教事具別式

淡路紀曰天平寶字二年十二月戊申遣  
渤海使小野朝臣田守等奏唐國消息云  
天寶十四載歲次乙未十一月九日御史  
大夫兼范陽節度使安祿山反舉兵作亂

云云於是敕太宰府曰安祿山者是狂胡  
狡豎也違天起逆事必不利疑是不能計  
西還更掠於海東古人曰蜂蠆猶毒何況  
人乎其府帥船王及大貳吉備朝臣真備  
俱是碩學名顯當代簡在朕心委以重任  
宜知此狀豫設奇謀縱使不來儲備無悔  
其所謀上策及應備雜事一一具錄報來  
三年三月庚寅太宰府言府官所見方有



不安者四據警固式於博多大津及臺岐  
對馬等要害之處可置船一百隻以上以  
備不虞而今無船可用交關機要不安一  
也太宰府者三面帶海諸蕃是待得而  
自罷東國防人邊戍日以荒散如不慮之  
表萬一有變何以應卒何以示威不安二  
也管內防人一停作城勤起武藝起一習  
其戰陣而大貳吉備朝臣真備論曰且耕

且戰古人稱善乞五十日教習而十日役  
于築城所請雖可行府僚或不同不安三  
也天平四年八月二十二日有敕所有兵  
士全免調庸其白丁者免調輸庸當時民  
息兵強可謂邊鎮今管內百姓乏絕者衆  
不有優復無以自贍不安四也敕船者宜  
給公糧以雜徭造東國防人者衆議不免  
仍不依請管內防人十日役者依真備之



議優復者政得其理民自富強宜勉所職  
以副朝務六月壬子令太宰府造行軍式  
以將伐新羅也八月己亥遣太宰帥三品  
船親王於香椎廟奏應伐新羅之狀九月  
丁卯敕太宰府頃年新羅歸化舳艫不絕  
規避賦役之苦遠棄墳墓之鄉言念其意  
豈無顧戀宜再三引問情願還者給糧放  
卻壬午造船五百艘北陸道諸國八十九

艘山陰道諸國一百四十五艘山陽道諸  
國一百六十一艘南海道諸國一百五艘  
竝逐間月營造三年之內成功爲征新羅  
也

四年九月癸卯新羅國遣級食金貞卷朝  
貢使陸奧按察使從四位下藤原惠美朝  
臣朝獵等問其來朝之由貞卷言曰不脩  
職貢久積年月是以本國王令齋御調貢



進又無知聖朝風俗言語者仍進學語二人問曰凡是執玉帛行朝聘本以副忠信通禮儀也新羅既無言信又闕禮儀棄本行末我國所賤又王子泰廉入朝之日申云每事遵古迹將供奉其後遣小野田守時彼國闕禮故田守不行使事而還歸王子尚猶無信况復輕使豈足爲據貞卷曰田守來日貞卷出爲外官亦復賤人不知

細旨於是告貞卷曰使人輕微不足賓待宜從此卻迴報汝本國以專對之人忠信之禮仍舊之調明驗之言四者備具乃宜來朝

五年春正月乙未令美濃武藏二國少年每國二十人習新羅語爲征新羅也按先化新羅僧三十一人移武藏是歸國間地故令此習其語者乎秋七月甲申西海道巡察使式部少輔從五位下紀朝



臣牛養等言戎器之設諸國所同今西海諸國不造年料器仗既曰邊要當備不虞於是仰筑前筑後肥前肥後豐前豐後日向等國造備甲乃弓箭各有數每年送其樣於太宰府

六年夏四月辛未始置太宰弩師十一月庚寅遣參議從三位武部卿藤原朝臣巨勢麻呂云云奉幣于香椎廟以爲征新羅

調習軍旅也

七年二月癸未新羅國遣級冷金體信已下二百十一人朝貢遣左少辨從五位下大原真人今城讚岐介外從五位下池原公禾守等問以約束貞卷之旨體信言曰承國王之教唯調是貢至于餘事非敢所知於是令城告曰乾政官處分此行使人者喚入京都如常可遇而使等約束貞卷



之旨曾無所申仍稱但齋常貢入朝自外  
非所知者是乃爲使之入非所宜言自今  
以後非王子者令執政大夫等入朝宜以  
此狀告汝國王知

八年秋七月甲寅新羅使大奈麻金才伯  
等九十一人到著太宰博多津遣右少辨  
從五位下紀朝臣牛養授刀大尉外從五  
位下栗田朝臣道麻呂等問其由緒金才

伯等言曰唐國敕使韓朝彩自渤海來云  
送日本國僧戒融令達本鄉已畢若平安  
歸鄉者當有報信而至于今日寂無來音  
宜差此使其消息欲奏天子仍賚執事牒  
參太宰府其朝彩者上道在於新羅西津  
本國謝恩使蘇州金容爲取太宰報牒寄  
附朝彩在京未發問曰比來彼國投化百  
姓言本國發兵警備是疑日本國之來問



罪也其事虛實如何對曰唐國擾亂海賊  
寔繁是以徵發甲兵防守緣邊乃是國家  
之設事既不虛及其歸日太宰府報牒新  
羅執事曰檢案內被乾政官符偁得太宰  
府解偁新羅國牒偁依韓內常侍請欲知  
僧戒融達不府具狀申上者以去年十月  
從高麗國還歸聖朝府宜承知即令報知  
高野紀曰天平神護二年夏四月壬辰本

案府言防賊戍邊本資東國之軍持衆宜  
威非是筑紫之兵今割筑前等六國兵士  
以爲防人以其所遺分番上下人非勇健  
防守難濟望請東國防人依舊配戍敕修  
理陸奥城柵多興東國力役事須彼此通  
融各得其宜今聞東國防人多畱筑紫宜  
加檢括且以配戍即隨其數簡卻六國所  
點防人具狀奏來計其所欠差點東人以



填三千斯乃東國勞輕西邊兵足

神護景雲二年二月癸卯筑前國怡土城  
成

三年冬十月甲辰太宰府言此府人物殷  
繁天下之一都會也子弟之徒學者稍衆  
而府庫但蓄五經未有三史正本涉獵之  
人其道不廣伏乞列代諸史各給一本傳  
習管內以興學業詔賜史記漢書後漢書

三國志晉書各一部十一月丙子新羅使  
級食金初正等一百八十七人及導送者  
三十九人到著對馬島十二月癸丑遣員  
外右中辨從四位下大伴宿禰伯麻呂攝  
津大進外從五位下津連眞麻呂等於太  
宰問新羅使入朝之由

寶龜元年三月丁卯初問新羅使來由之  
日金初正等言在唐大使藤原河清學生



朝衡等屬宿衛王子金隱居歸鄉附書送於鄉親是以國王差初正等令送河清等書又因使次便貢土毛又問新羅貢調其來久矣改稱土毛其義安在對言便以附貢故不稱調至是遣左大史外從五位下堅部使主人主宣告初正等曰前使貞卷歸國之日所仰之政曾無申報今亦徒持私事參來所以此度不預賓禮自今以後

空如前仰令可申事人入朝者待之如常空以此狀告汝國王知但進唐國消息并在唐我使藤原朝臣河清等書嘉其勤勞仰太宰府安置饗賜空知之賜國王祿絕并五匹絲一百絢綿二百五十屯大使金初正已下各有差

光仁紀曰寶龜二年十二月己未罷筑前國官員隸太宰府甲戌太宰府言日向大



隅薩摩及壹岐多觀等博士醫師一任之  
後終身不替所以後生之學業術不進乞  
同朝法八年遷替以示于祿永勸後學許  
之

三年十二月己未太宰府言壹岐島掾從  
六位上上村主墨繩等送年糧於對馬島  
俄遭逆風船破人沒所載之穀隨復漂失  
云云

四年六月丙辰能登國言渤海國使烏須  
弗等乘船一艘來著部下戊午遣使宣告  
渤海使烏須弗曰云云所進表函違例無  
禮者由是不召朝廷返卻本鄉云云又渤  
海使取此道來朝者承前禁斷自今以後  
宜依舊例從筑紫道來朝

五年三月癸卯新羅國使禮府卿沙食金  
三玄已下二百三十五人到泊太宰府遣



河內守從五位上紀朝臣廣純大外記外  
從五位下內藏忌寸全成等問其來朝之  
由三玄言曰奉本國王教請修舊好每相  
聘問并將國信物及在唐大使藤原河清  
書來朝問曰夫請修舊好每相聘問乃似  
允禮之隣非是供職之國且改貢調稱爲  
國信變古改常其義如何對曰本國上宰  
金順貞之時舟楫相尋常修職貢今其孫

邕繼位執政追尋家聲係心供奉是以請  
修舊好每相聘問又三玄本非貢調之使  
本國便因使次聊進土毛故不稱御調敢  
陳使旨自外不知於是敕問新羅入朝由  
使等曰新羅元來稱臣貢調古今所知而  
不率舊章妄作新意調稱信物朝爲修好  
以昔准今殊無禮數空給渡海料早速放  
還五月乙卯敕太宰府曰比年新羅蕃人



頻有來著尋其緣由多非投化忽被風漂  
無由引還畱爲我民謂本主何自今以後  
如此之色空皆放還以示弘恕如有船破  
及絕糧者所司量事令得歸計

七年十二月乙巳渤海國遣獻可大夫司  
賓少令開國男史都蒙等一百八十七人  
賀我卽位云云比著我岸忽遭惡風柁折  
帆落漂沒者多許其全存僅有四十六人

便於越前國加賀郡安置供給  
八年春正月癸酉遣使問渤海使史都蒙  
等曰去寶龜四年烏須弗歸本蕃日太政  
官處分渤海入朝使自今以後空依古例  
向太宰府不得取北路來而今違此約束  
其事如何對曰烏須弗來歸之日實承此  
旨由是都蒙等發自弊邑南海府吐號浦  
西指對馬島竹室之津而海中遭風著此



禁境失約之罪更無所避

十年冬十月己巳敕太宰府新羅使金蘭  
孫等遠涉滄波貢正貢調其諸蕃入朝國  
有恒例雖有通狀更宜反復府宜承知研  
問來朝之由并責書函如有表者准渤海  
蕃例寫案進上其本者卻付使人凡所有  
消息驛傳奏上癸丑敕太宰府唐客高鶴  
林等五人與新羅貢朝使共令入京十一

月己巳遣敕旨少輔正五位下內藏忌寸  
全成於太宰府問新羅國使薩冷金蘭孫  
入朝之由

十一年春二月庚戌新羅使還蕃賜璽書  
曰云云後使必須令賚表函以禮進退今  
敕筑紫府及對馬等戌不將表使莫令入  
境宜知之云云秋七月戊子敕曰筑紫太  
宰僻居西海諸蕃朝貢舟楫相望由是簡



練士馬精銳甲兵以示威武以備非常云  
事見于緣海 八月庚申太政官奏曰筑  
紫太宰遠居邊要當警不虞兼待蕃客所  
有執掌殊異諸道而官人相替限以四年  
送故迎新相望道路府國困弊職此之由  
加以所給廚物其數過多每守舊例充給  
或闕蕃客之儲於事商量甚不穩便臣等  
望請且停交替料兼官人歷任增爲五年

然則百姓息肩庖廚無乏伏聽天裁奏可  
之

桓武紀曰延曆九年夏四月辛丑仰太宰  
府令造鐵冑二千九百餘枚

弘仁四年三月辛未太宰府言肥前國司  
今月四日解解基隸團校尉貞弓等去二  
月二十九日解解新羅一百十人駕五艘  
船著省近島與土民相戰即打殺九人捕

作省



獲一百一十人者云云

作真  
類聚三代格曰弘仁五年五月十一日太  
政官符應太宰府省史生置弩師事右得  
府解佩去延曆十六年此府弩師未從停  
廢不虞之備不可不儲望請除史生一員  
未置弩師一員者右大臣宣奉敕依請  
滋野朝臣貞主上表曰夫太宰府者西極  
之大壤中國之領袖也東以長門爲關西

以新羅爲拒加以九國二島郡縣闊遠自  
古于今以爲重鎮夫謀事必就租發政占  
古語因檢舊記大唐高麗新羅百濟任那  
等悉託此境乃得入朝或緣貢獻之事或  
懷歸化之心可謂諸蕃之輻湊中外之關  
門者也因茲有德爲帥貳才良爲監典若  
無其人選取辨官式部頃年以來絕而不  
行近得飛語云彼吏或擊目閉口似避時



之人或忌恥貧賤爲聚斂之吏府司國宰  
莫不悲傷若如此不變恐嚙臍不及臣聞  
此語心神罔措雖此之飛語有何信據而  
臣子之理何不預憂又聞少貳從五位下  
小野朝臣恒柯筑前守從五位下紀朝臣  
今守有意執論無力矯枉未審虛實唯得  
耳剝臣不勝血誠伏觸逆鱗言詞切直默  
止不省

仁明紀曰承和二年三月丁巳帥太宰府  
綿甲一百領曹一百口袴四百腰充遣唐  
船不虞之備

六年秋七月丙申令太宰府造新羅船以  
能堪風波也八月己巳敕太宰大貳從四  
位上南淵朝臣永河等得今月十四日飛  
驛所奏遣唐錄事大神宗雄送太宰府牒  
狀知大唐三箇船嫌本船之不完倩駕楚



州新羅船九隻，僞新羅南以歸朝。其第六船宗雄所駕是也。餘八箇船或隱或見，前後相失，未有到著。艱虞之變，不可不備。宜每方面戍防，人不絕，炬火羸貯糧水，令後著船其得安穩。其宗雄等安置客館，得待後船。

七年十二月己巳，太宰府言：藩外新羅臣張室高遣使獻方物，即從鎮西追卻焉。爲人臣無境外之交也。

八年二月戊辰，太政官仰太宰府云：新羅人張室高去年十二月進馬鞭等，室高是爲他臣，敢輒致貢，稽之舊章，不合。物宜以禮防閑，早從返卻。其隨身物者，任聽民間令得交關，但莫令人民違失。沽價競傾家質，亦加優恤，給程糧，竝依承前之例。二月己亥，詔曰：云云。太宰府者，匪亶古來鎮邊。



之區兼復當時怪見之地也最須先慎以備不虞

太宰府言肥後國阿蘇郡神靈池涸滅

九年春正月乙巳新羅人李少貞等卅人入到著筑前大津太宰府遣使問來由頭首少貞申云張室高死其副將李昌珍等欲叛亂武珍州列賀閻文興兵討平今已無虞但恐賊徒漏網忽到貴邦擾亂黎庶若有舟船到彼不執文符者竝請切命所在

葉疑當作宜

推勘收捉云云八月丙子太宰大貳從四位上藤原朝臣衛上奏四條起請一曰新羅朝貢其來尚矣而起自聖武皇帝之代迄于聖朝不用舊例常懷奸心苞菜不貢寄事商賈窺國消息方今民窮食乏若有不虞何以防之望請新羅國人一切禁斷不入境內報曰德澤洎遠外蕃歸化專禁入境事似不仁宜比于流來宛粮放還商



賈之輩飛帆來者所賚之物任聽民間令  
得迴易了速放卻云云四曰邊要之地爲  
有警虞延曆年中特立制文不許開田而  
比年頗有墾開之事望請依延曆二年四  
月廿六日符一從停止許之

清和實錄曰貞觀八年夏四月十七日辛  
卯下知太宰府曰迺者京師頻視怪異陰  
陽寮言隣國兵可來窺安不忘危宜勤警

固五月廿一日甲子唐人任仲元非有過  
所輒入京城令加譴誥還太宰府重下知  
長門太宰府嚴關門之禁焉秋七月十五  
日丁巳太宰府馳驛奏言肥前國基肄郡  
人川邊豐稻告同郡擬大領山春永語豐  
穗云與新羅人珍賓長共渡入新羅國教  
造兵弩器械之術還來將擊取對馬島藤  
津郡領葛野貞津高來郡擬大領大刀主



彼杆郡人永岡藤津等是同謀者也仍副  
射手四十五人名簿進之

十一年六月十五日辛丑太宰府言去月  
廿二日夜新羅海賊乘艦二艘來博多津  
掠奪豐前國年貢絹綿即時逃竄發兵追  
逐不獲賊秋七月二日戊午是日敕譴責  
太宰府司曰諸國貢調使史領將一時共  
發不可先後零疊雖其群類而令豐前一

國獨先進發亦弱姦人乘飢虎口遂使新  
羅寇盜乘隙致侵掠非唯已失官物兼亦  
損辱國威求之往古未有前聞貽於後來  
當無面目雖云使人之可責抑亦府官之  
有怠又或人言盜賊逃去之日海邊百姓  
五六人冒死追戰射傷二人事若有實寧  
非忠敬而府司不申何近掩善又所禁之  
人雖有嫌疑緣是異邦最思仁恕宜停拷



法深加廉問早從放卻十二月五日戊子  
先是太宰府言上往者新羅海賊侵掠之  
日差遣統領選士等擬令追討人皆懦弱  
憚不肯行於是調發俘囚御以膽略特張  
意氣一念當于今大鳥示其怪異龜筮告  
以兵寇鴻臚館并津廚等雖居別處無備  
禦侮若有非常難以應猝夷俘分居諸國  
常事遊獵徒免課役多費官糧請配置處

分以備不虞分爲二番別當百人每月相  
替交相駟役其糧料者諸國所舉俘料利  
稻之內每國令運輸以給其用至是敕曰  
俘夷之性本異平民制禦之方何用恒若  
忽離舊居新移他土衣食無續心事反常  
則野心易驚遂致精變宜簡監典有謀略  
者令其句當并統領選士幹事者以爲其  
長勉加綏誘能練武衛設有諸國糧運關



如<sub>スル</sub>卽須<sub>ニ</sub>府司<sub>ニ</sub>迴撥<sub>ス</sub>支濟<sub>ス</sub>又以<sub>ニ</sub>百人<sub>ヲ</sub>爲<sub>ス</sub>一番<sub>ト</sub>  
居業難<sub>シ</sub>給<sub>シ</sub>轉餉多<sub>ク</sub>煩<sub>シ</sub>宜<sub>ク</sub>五十人<sub>ヲ</sub>爲<sub>ス</sub>一番<sub>ト</sub>  
四日丁酉遣<sub>シ</sub>使者<sub>ヲ</sub>於伊勢大神宮奉<sub>ル</sub>幣告<sub>ス</sub>  
文曰天皇<sub>ニ</sub>我<sub>レ</sub>詔旨<sub>ト</sub>掛<sub>セ</sub>畏<sub>ル</sub>岐伊勢<sub>ノ</sub>乃<sub>レ</sub>度會宇<sub>ノ</sub>  
治<sub>ノ</sub>乃<sub>レ</sub>五十鈴<sub>ノ</sub>河上<sub>ノ</sub>乃<sub>レ</sub>下都磐根<sub>ノ</sub>爾<sub>レ</sub>大宮<sub>ノ</sub>  
柱廣敷立高天<sub>ノ</sub>乃<sub>レ</sub>原<sub>ノ</sub>爾<sub>レ</sub>千木高知<sub>ノ</sub>天<sub>ノ</sub>彌定<sub>ノ</sub>  
竟<sub>レ</sub>奉<sub>ル</sub>雷<sub>ノ</sub>天照坐皇大神<sub>ノ</sub>乃<sub>レ</sub>廣前<sub>ノ</sub>爾<sub>レ</sub>恐<sub>ル</sub>美<sub>ノ</sub>恐<sub>ル</sub>  
美<sub>ノ</sub>申<sub>ル</sub>賜<sub>ル</sub>倍<sub>シ</sub>申<sub>ル</sub>サ<sub>ク</sub>久<sub>ク</sub>去<sub>ル</sub>ス<sub>ル</sub>六月以來太宰府度度<sub>ノ</sub>  
毛<sub>ノ</sub>

言上<sub>ノ</sub>須<sub>ル</sub>良<sub>ク</sub>久<sub>ク</sub>新羅賊舟二艘筑前國那河郡<sub>ノ</sub>  
乃<sub>レ</sub>荒津<sub>ノ</sub>爾<sub>レ</sub>到來<sub>ノ</sub>天<sub>ノ</sub>豐前國<sub>ノ</sub>乃<sub>レ</sub>貢調船<sub>ノ</sub>乃<sub>レ</sub>絹<sub>ノ</sub>  
綿<sub>乎</sub>掠奪<sub>ス</sub>天<sub>ノ</sub>逃退<sub>ス</sub>利<sub>多</sub>又廳樓兵庫等上<sub>ノ</sub>爾<sub>レ</sub>  
依有<sub>ニ</sub>大鳥之怪<sub>ノ</sub>天<sub>ノ</sub>卜<sub>ス</sub>求<sub>ル</sub>爾<sub>レ</sub>隣國<sub>ノ</sub>乃<sub>レ</sub>兵革之<sub>ノ</sub>  
事可在<sub>ル</sub>止<sub>ル</sub>卜<sub>ス</sub>申<sub>ル</sub>利<sub>多</sub>又肥後國<sub>ノ</sub>爾<sub>レ</sub>地震風水<sub>ノ</sub>  
乃<sub>レ</sub>災有<sub>ル</sub>天<sub>ノ</sub>舍宅悉<sub>シ</sub>仆顛<sub>ル</sub>利<sub>多</sub>人民多<sub>ク</sub>流亡<sub>ル</sub>利<sub>多</sub>  
如此之災<sub>ノ</sub>比<sub>シ</sub>古來未聞<sub>ル</sub>止<sub>ル</sub>故老<sub>ノ</sub>毛<sub>ノ</sub>申<sub>ル</sub>止<sub>ル</sub>言<sub>ス</sub>  
上<sub>ノ</sub>利<sub>多</sub>然間<sub>ノ</sub>爾<sub>レ</sub>陸奥國又異常<sub>ノ</sub>奈<sub>レ</sub>地震之災<sub>ノ</sub>  
雷<sub>ノ</sub>



言上利多自餘國國毛又頗有件災止言上  
多傳聞彼新羅人波我日本國止久岐世  
時利與相歆美來利多而今入來境內天奪取  
調物天利無懼沮之氣量其意况爾兵寇之  
萌自此而生加我朝久無軍旅久專警備  
多兵亂之事尤可慎恐然我日本朝波所  
謂神明之國利奈神明之助護利賜波何乃  
兵寇加可近來岐况掛毛畏岐皇大神波

我朝乃太祖止御座天食國乃天下乎照  
賜比護賜利然則他國異類乃加侮致亂  
倍事乎何曾聞食天警賜比拒卻介賜波  
在牟故是以從五位下弘道王雅樂少允  
從六位上大中臣朝臣冬名等乎差使天  
禮代乃大幣帛遠忌部神祇少祐從六位  
下齋部宿禰伯江加弱肩爾太纏取懸天  
持齋令捧持天奉出給布此狀乎平介聞久



食天假令時世乃禍亂止之上件寇賊之  
事在倍物奈利掛毛畏岐皇大神國內乃  
諸神達毛乎唱導岐賜天比未發向之前爾沮  
拒排卻賜倍若賊謀已熟天兵船必來久倍  
在波境內爾入賜須之逐還漂没女賜天比  
我朝乃神國止畏憚禮故實乎澆之多夫比  
賜奈布自此之外爾假令止之夷俘乃逆謀  
叛亂之事中國乃刀兵賊難之事又水旱

風雨之事疫癘飢饉之事爾至萬天國家  
乃大禍百姓乃深憂止可在良牟皆悉未  
然之外爾拂卻銷滅之賜天天下無躁驚  
國內平安爾鎮護利救助賜比皇御孫  
命乃御體乎常磐堅磐與天地日月共爾  
夜護晝護爾護幸倍矜奉給倍恐美恐美  
申賜止久申ス十七日庚子去夏新羅海賊掠  
奪貢綿又有大鳥集太宰府廳事并門樓



兵庫上神祇官陰陽寮言當有隣境兵寇  
肥後國風水陸奧國地震損傷廨舍沒黎  
元是日敕命五畿七道諸國班幣境內諸  
神豫防後害廿八日辛亥遣從五位上守  
右近衛少將兼行太宰權少貳坂上大宿  
禰瀧守於太宰府鎮護警固敕曰鎮西者  
是朕之外朝也千里分符一方寄重况復  
隣國接壤非常巨期今聞大鳥示怪龜筮

告寇機急之備豈令暫輟哉宜令瀧守旬  
當警固之事是日瀧守奏言所以置選士  
設甲冑者本爲備警急護不虞也謹檢博  
多是隣國輻輳之津警固武衛之要而郭  
與鴻臚相去二驛若兵出不意倉卒難備  
請移置統領一人選士四十人甲冑四十  
具於鴻臚又謹檢承前選士百人每月番  
上今以尋常之員備不意之禦恐機急之



事實難支濟請例番之外更加他番統領  
二人選士百人詔竝從之

十二年春正月十五日戊辰敕命太宰府  
遷置甲冑百十具於鴻臚二月十五日丁  
酉敕遣從五位下行主殿權助大中臣朝  
臣國雄奉幣八幡大菩薩宮及香椎廟宗  
像大神甘南備神宗像大神告文云云我  
皇大神波掛毛畏岐大帶日姬乃彼新羅

人乎降伏賜時爾相其加力倍賜天我朝

乎救賜比崇賜奈而今如此爾狎侮氣色

乎露出事乎最是皇大神乃聞驚岐怒恚

利賜倍物奈云云廿日壬寅敕太宰府令

新羅人潤清宣堅等三十人及元來居止  
管内之輩木陸兩道給食馬入京先是彼  
府言新羅凶賊掠奪貢綿以潤清等處之  
嫌疑禁其身奏之太政官處分殊加仁恩



給糧放還潤清等不得順風無由歸發其  
國對馬島司進新羅消息日記并彼國流  
來七人府須依例給糧放卻但叢爾新羅  
凶毒狼戾亦迺者對馬島人卜部乙屎麻  
呂被禁彼國脫獄遁歸說彼練習兵士之  
狀若彼疑洩語爲伺氣色差遣七人詐稱  
流來歟凡垂仁放還尋常之事狡奸往來  
當加誅戮加之潤清等久事交關僑寄此

地能候物色知我无備令放歸於彼示弱  
於敵既乖安不忘危之意又從來居住管  
內者亦復有數此輩皆外似歸化內懷逆  
謀若有來侵必爲內應請準天長元年八  
月廿日格旨不論新舊併遷陸奥之空地  
絕其覬覦之奸心從之廿三日乙巳參議  
從四位上行太宰大貳藤原朝臣冬緒進  
起請四事其一曰軍旅之儲烽燧是切而



數十年來國無機警雖有其備未知調用  
若有非常何以通知今須下知管內國島  
試以舉烽焚燧彼此相通以備不虞若不  
言其由恐驚動物意望請下知事旨依件  
調練其二日比年之間公私雜人或陸或  
海來集深入遠尋營求善馬及其歸向多  
者二三十少者八九匹總計過所年出關  
之數凡千餘匹夫機急之備馬尤爲用而

无賴之輩每年搜取若有警之如非常何  
今將施禁制翻致謫壽望請下知豐前長  
門兩國四箇年間禁止出馬云云六月十  
三日甲午先是太宰府言肥前國杵島郡  
兵庫震動鼓鳴二聲決之著龜可警隣兵  
是日敕令筑前肥前壹岐對馬等國島戒  
鎮不虞云云冬十一月十七日乙丑云云  
以從五位下行大內記安倍朝臣興行爲



遣太宰府推門密告使判官一人主典一人廿六日甲戌筑後權史生佐伯眞繼差加防授下太宰府

十五年五月廿七日庚寅先是太宰府言去三月十一日不知何許人船二艘載六十人漂著薩摩國甌島郡言語難通問答何用其首崔宗佐大陳潤等自書曰宗佐等渤海國人彼國王差入大唐賀平徐州

海路浪險漂盪至此國司推驗事意不責公驗所書年紀亦復相違疑是新羅人僞稱渤海人竊來邊境歟領將二船向府之間一船得風飛帆逃遁是日敕渤海遠蕃歸順於我蕞爾新羅久扶禍心空令府國官司審加推勘實是渤海人須加慰勞宛糧發歸若新羅凶黨者全禁其身言上兼令管内諸國重鎮警守秋七月癸亥朔先



是太宰府馳驛言渤海國人崔宗佐門孫  
宰等漂著肥後國天草郡遣大唐通事張  
建忠覆問事由審實情狀是渤海國入唐  
之使去三月著薩摩國逃去之一艦也仍  
奉進宗佐等日記并所賚蠟封函子雜封  
書弓劍等云云十二月十七日戊申太宰  
府言筑前國去仁壽二年班田云云又府  
之備隣敵其來自邈代而去貞觀十一年

新羅海賊竊窺間隙掠奪貢綿自斯遷運  
甲冑安置鴻臚差發俘囚分番鎮戍重復  
分置統領選士備之警守今所用糧米無  
闕有數出納之事非無句當如以朝夕資  
給米鹽多煩仍差置書生駟仕等計口給  
貧結番宿直自餘之色觸類猥雜件國割  
女子口分置公營田所遺之田猶倍他國  
須分置一百町名警固田如其耕營收所



輸之地子充年中之雜用但相割地子因  
準例進納又府儲料稻總三萬束凡使糧  
并水脚賃及廚家雜用凡百庶事總在其  
中諸國所備各有色數而或致違期或置  
未進府中之用常若闕乏須割置田二百  
町名府儲田收其地子以充府用但租穀  
同上依請許之廿二日癸丑先是太宰府  
言去九月二十五日新羅人三十人乘一

隻船漂著對馬島岸島司差加使者送  
府即禁其身著鴻臚館是日敕曰新羅人  
挾奸年久亢毒未悛疑亦流著之體構候  
隙之謀宜重加搜檢審覈情狀早令放歸  
十六年秋七月十八日甲辰先是太宰府  
言大唐商人崔岌等三十六人駕船一艘  
六月三日著肥前國松浦郡岸是日敕宜  
準歸化例安置供給八月八日甲子先是



太宰府上言新羅人金吾等十二人駕船  
一艘漂著對馬島至是敕府司問來由早  
從放還

陽成實錄曰元慶二年秋七月十三日丙  
午詔令太宰權少貳從五位下藤原朝臣  
仲直攝行警固事去貞觀十一年左近衛  
權少將兼權少貳坂上大宿禰瀧守行此  
事而秩罷入京警戒停廢今卜筮有告隣

敵窺隙故亦爲之十二月十一日壬申是  
日太宰少貳從五位下島田朝臣忠臣等  
奏言檀日宮有託宣云新羅虜船欲向我  
國空爲之備因茲遣從五位上刑部大輔  
弘道王向伊勢大神宮祈請冥助廿日辛  
巳以從五位上守民部大輔藤原朝臣房  
雄爲太宰權少貳兼左近衛權少將從赴  
太宰府警戒戍事廿四日乙酉遣兵部少



輔從五位下兼行伊勢權介平朝臣季長  
向太宰府奉幣檀日八幡及姬神住吉宗  
形等大神其檀日八幡姬神別奉綾羅御  
衣各一襲金銀裝寶劍各一以彼府奏有  
託宣云新羅凶賊欲窺我隙肥後國有大  
鳥集河水變赤等之怪也九月七日己亥  
有大鳥集肥後  
國八代郡倉上又宇土郡正六位上蒲智  
比咩神社前河水變赤如血緣邊山野草  
木凋枯宛  
如嚴冬

三年春正月十五日乙巳敕遣從五位上  
守左近衛權少將兼行太宰少貳藤原朝  
臣房雄太宰府警固之事準坂上大宿禰  
瀧守例命左近衛五人右近衛三人隨身  
竝乘傳而發焉冬十月十五日辛未敕令  
太宰府豐前長門等國禁止出境內之馬  
四年五月廿三日丙子授肥後守從五位  
上藤原朝臣房雄正五位下先是西國流



言新羅凶賊將入侵寇朝議以左近衛少將坂上大宿禰瀧守兼任太宰少貳向府之日賜隨身近衛有數瀧守少貳秩滿仍以房雄代之到府之後流聞不整隨身近衛多致陵暴其魁首左近衛采女益雄狡猾尤甚房雄殺之警候不嚴民謠間發故遷房雄於肥後守罷其少將之職今之進階慰其意也六月七日己丑敕曰前令太

宰少貳藤原朝臣房雄行警固事今房雄遷任肥後守無人句當更致解體其器仗烽候是長官之職然則警固有例何必別配句當宜停少貳句當府司隨宜處置又令筑後豐後兩國長官先經府司後聽入京若無府解不得輒發緣大貳安倍朝臣貞行申請

光孝實錄曰仁和元年六月廿日癸酉是



日太宰府言去四月十二日新羅國使判  
官徐善行錄事高興善等三十八人乘船  
一艘來著肥後國天草郡問其來由答曰  
前年漂蕩適著海岸蒙給官糧得歸本鄉  
今奉賀仁恩賚國牒信物等來朝者今檢  
寄事奉賀牒貨相兼只有執事省牒無國  
主啓其牒不納函子以紙裹之題云新羅  
國執事省牒上日本國其上蹈印五字謹

檢先例事乖故實仍寫牒并錄貨物數進  
上敕新羅國人包藏禍心覬覦國家罪寄  
事於風波然猶疑其毒螫須懲其姦匿以  
從重法然而朝家好仁不忍爲之而猶放  
還全其首領矣

類聚三代格曰寬平六年九月十三日太  
政官符應停史生一員補加置警師事右  
得太宰府解備謹檢案內格條去弘仁五



年五月廿一日除史生一人置警師一人  
若有病故誰補其闕望請重減史生加置  
警師謹請官裁者大納言正三位兼行左  
近衛大將皇太子傳陸奧出羽按察使源  
朝臣能有宣奉敕依請

日本記略曰長德三年十月一日壬辰太  
宰飛驒使參入云南蠻亂入管内諸國奪  
取人物十一月二日癸亥太宰府飛驒使

來申成獲南蠻卅餘人之由五日丙寅賜  
官符於太宰府四年九月十四日庚午太  
宰言上下知貴駕島捕進南蠻由長保元  
年八月十九日己巳太宰府言上追討南  
蠻賊由

寬仁三年四月十七日甲辰太宰府飛驒  
使乘馬馳入左衛門陣是刀伊國賊徒五  
十餘艘起來虜壹岐島殺害守藤原理忠



竝虜掠人民來筑前國怡土郡者十八日  
乙巳攝政以下定申驛事仍賜太宰府敕  
符竝五箇條警固要害防禦凶賊祈禱佛  
神可守當境之由也廿五日壬子從太宰  
府令獻府解廿七日甲寅大納言實資卿  
以下定申太宰府言上雜事等給官符於  
太宰府防禦刀伊賊九月廿二日乙亥右  
大臣以下定申太宰府言刀伊賊事

四年正月十六日戊戌右大臣以下參入  
被定高麗返狀事令太宰府牒高麗國令  
發歸鄭子良等及生虜流來事四月十一  
日壬辰請印太宰府遣高麗國返牒符  
職員令曰太宰府帶筑前國主神一人掌諸祭  
祠事帥一人掌祠社戶口簿帳字養百姓  
勸課農桑糾察所部貢舉孝義田宅良賤  
訴訟租調倉廩徭役郵驛傳馬烽候城牧



過所公私馬牛闌遺雜物及寺僧尼名籍  
蕃客歸化饗燕事大貳一人掌同帥少貳  
二人掌同大貳大監二人掌同糾判府內審  
看文案 稽失察非違少監二人掌同大  
監大典二人掌受事上抄勘署文案檢出  
稽失讀申公文少典二人掌同大典大判  
事一人掌案覆犯狀斷定刑名判諸爭訟  
少判事一人掌同大判事大令史一人掌

抄寫判文少令史一人掌同大令史大工  
一人掌城隍舟楫戎器諸營作事少工二  
人掌同大工博士一人掌教授經業課試  
學生陰陽師一人掌占筮相地醫師二人  
掌診候療病算師一人掌勘計物數防人  
正一人掌防人名帳戎具教閱及食料田  
事佐一人掌同正令史一人主船一人掌  
修理舟楫主廚一人掌醯醢醢醢醬豉鮭



等事史生二十人

民部式曰凡太宰府充仕丁者帥二十人  
大貳二十人少貳十二人大少監各八人  
主神主工大少典博士明法博士主廚各  
六人音博士陰陽師醫師算師主船各五  
人大唐通事四人史生新羅譯語弩師兼  
儀各三人府衙四人學授二人藏司二人  
稅倉司二人藥司二人匠司一人修理器

仗所一人守客館一人守辰六人守驛館

一人

按主稅式太宰府處分公廨條  
有主城居之於陰陽師上也

職原抄曰太宰府

帶筑帥相當從  
前國帥三位

教任官

也多是以有品親王任之親王任之者權

帥若大貳知府務而已權帥納言以上

若前

任之中古以來例於正帥者擬親王官

承府務人任權也或又任正依時空歟為

大臣之人左遷之時任權帥然而不可知



府務也凡於帥者令條所定已為高官仍  
重其仁雖華族又任之大貳無權官相當  
從四位下  
近代例多以參議散二三位等任之非參  
議四位又有其例有權帥者不任大貳任  
大貳者不任權帥雖無其謂已為流例多  
是以名家人任之少貳有權官相當  
從五位下殊撰  
其人任之監大相當正六位下  
少相當從六位上六位侍任  
之典大相當正七位上  
少相當正八位上監典者公卿給之

時間依請任之多是府中有緣之輩任之  
稱府官是也此外博士算師大唐事  
上古任之中古以來斷絕仍略之

大八洲記第二



